

# سورة المقبرة - سورة التكاثر || أسرار مع القصار - الشيخ محمد خيري

محمد خيري

محمد خيري

السلام عليكم ورحمة الله وبركاته الحمد لله رب العالمين له الحمد الحسن والثناء الجميل اشهد ان لا اله الا الله وحده لا شريك له.  
واشهد ان محمدا عبده ورسوله وبعد وما زال حديثنا حول ايات سورة التكاثر - [00:00:00](#)

هذه الصورة التي قلنا ان الصحابة كانوا يطلقون عليها صورة المقبرة. هذه السورة التي تبين وتظهر مقدار انهيار الاولويات عند الكثير من الناس ان في ناس كتير حصل لهم انهيار للاولويات في حياتهم. قدموا اشياء اخرها الله سبحانه وتعالى - [00:00:24](#)

واخروا اشياء قدمها الله سبحانه وتعالى فحصل لهم ان هم قلباوا الميزان. فيقول الله سبحانه وتعالى الهاكم التكاثر حتى زرتم المقابر وقلنا للتكاثر فيها معاني المعنى الاولاني الاستكثار من شيء. طلب الزيادة منه. مشغول به. ليه - [00:00:56](#)

انها عاوز زيادة سواء زيادة في المال زيادة في علم لا ينتفع به زيادة في كل شيء. والتكاثر ومنافسة الاخرين ومغالبتهم. احيانا بتلاقي الانسان هو ما لو ش رغبة في الشيء. حقيقة ما لو ش رغبة. لكن لمجرد ان - [00:01:28](#)

ان في حد جاب خلاص انا هجيب. فده عنده ايه ؟ تكاثر. يتکاثر مع غيره والتکاثر يشمل المفاخرة بالكلام حتى لو ما فيش فعل لا عدم وليه طب افتخر قل عملنا وده يقول روحنا وكل واحد ايه وانت سبحان الله تلاقيها مع مع الشباب - [00:01:48](#)

هم بيهزروا مش بيهزروا هم بيتكلموا في الحياة مع بعض يقول له احنا رحنا آآ امبراح واحنا مش عارف ايه وكنا بنصيف فطلعوا مش عارف كزا ورحنا قرية كزا وفي الساحل وبتاع والكلام ده كله. فال الثاني بينه وبين نفسه - [00:02:14](#)

هتعلى هعلى عليك هعلي عليك برضو. احنا بقى لا لا دي قرية دي حديروحها ده بقى رحنا في حنة تانية خالص ومش عارف ايه والكلام الثاني يسكت لأ يقول له ده احنا رحنا بقى وكلنا عند واحد خطاب واحنا كزا - [00:02:28](#)

هعلي عليك وده يعني تفاخر. وصل بينهم وبين بعض التفاخر اهل قريش وصلوا بهم الدرجة ده نوم يفتخروا يفتخروا على بعض. دوت فيه واحد قال لهم ايه ؟ انا اسيادي وعييتنا مليانة ناس - [00:02:46](#)

من عليه القوم وتعالوا يا عم كل واحد تعالوا نروح على المقابر ونعد انت عندك كم جد وكم واحد كان له شأن ونعد. شوفوا التكاسر وصل لدرجة انهم راحوا القبور اللي هي بتذكر باليه ؟ بالآخرة فاذا هي تذكراهم جعلوها انها تذكرهم بالدنيا - [00:03:06](#)

دي من الحاجات الخطيرة جدا يا جماعة ان الاماكن اماكن العطة. اماكن العطة تصير واماكن غفلة اماكن اللي فيها العطة تبقى هي دي اماكن الایه ؟ الغفلة. تلاقي الناس بيسلموا الحشيش لبعض. يقولوا نتقابل فين ؟ نقوله عند المقابر - [00:03:26](#)

اه واحد بيشرب مش عارف ايه عند المقابر. واحد ماشي ماشي مش عند المقابر. المقابر اللي هي المفترض مكان ايه ؟ انك تتعز فيه صارت هي اماكن الایه ؟ الغفلة. ليالي رمضان. الاصل ان هي اماكن ايه - [00:03:48](#)

لكن العبادة وتتعز والايقاظ تكون هي اماكن الغفلة. يلا نطلع السهرة رمضانية يلا مش عارف ايه يلا ايه يلا امال ايه يفاجئ ايه ؟ ليه راح والحقيقة هي صحيفته اللي راحت - [00:04:08](#)

كله راح سبحان الله هؤلاء وصل بهم التفاخر والانحدار لهذا الامر. فنسأل الله العفو والعافية الهاكم التكاثر. اغلب الناس مشغول بالسقاقة الكمية لا الكيفية طلعوا مش عارف قد ايه عملنا قد ايه. حتى في رمضان - [00:04:24](#)

في ناس اهم حاجة عنده ختمت خمس ختمات. انت فين دلوقتي؟ الختمة السادسة؟ انا في الختمة السابعة. انت في التاسعة؟ انا في العاشر فيبدأ ايه؟ عنده سقاقة الكم. رغم ان رمضان الاصل منه الهدف هدف الاهداف انك تطلع منه تقி - 00:04:51  
هو كده ربنا سبحانه وتعالى لما ذكر الصيام زكر علة فرضية الصيام. هي التقوى. فانا لو لو انا الهازدة عاوز اراجع نفسي اشوف انا خارج من رمضان اشد تقوى ام ابعد في التقوى. كل واحد بقى عارف نفسه. انك طاقتك زادت ولا قل - 00:05:11  
تقويتك في الفلوس وانك تقى الله في المال. يا ترى ده مال حلال ولا حرام؟ تقوة الله انك تقى الله في العلاقات بينك وبين الناس انا زلمته ولا ما زلمتوش؟ التقوى هو ده المنسوب بتاعتك. يا ترى انا قبل رمضان زي بعد رمضان ولا لأ؟ ولذلك سبحانه الله - 00:05:36

من المؤشرات اللي بتقول لك ان الناس الراجل نجح ولا لأ في رمضان حاجة بنسمتها كده تحدي العيد. ايه لحد العيد الشيطان بعد ما صفووا التلاتين يوم بيجي في العيد بيعد لك اشارة كده. يديك كده كمين على الطريق - 00:05:56  
فيشوفك ايه الاخبار؟ فيروج باعت لك واحدة كده ماشية في الشارع مش عارف ايه. آ واحد يقول لك تعال نطلع طالعة كذا. فلو وقعت النجم رمضان ما جبsh معه. خلاص ده لا لا التقى بتاعته ايه؟ اهتزت تقويته مش عالية. فنسأل الله - 00:06:16  
العفو والعافية واسأل الله لنا ولكم الثبات. الهاكم التكاثر مشغولين بالكم. على حساب الكيف في حين ان في واحد ممكن يتتصدق بدرهم. واحد راح مطلع دلوقتي وهو ماشي شاف حد من الناس اللي بيجمع صدقات للفقراء - 00:06:36  
تروح مدي له عشرة جنيه. عشرة جنيه دي كبيرة ولا صغيرة؟ حاجة كبيرة ولا حاجة؟ حاجة صغيرة صح النبي صلى الله عليه وسلم بيخبرنا ان في درهم واحد ممكن يسبق الف درهم. ازاي؟ احد المحسنين اللي قاعدين - 00:06:56  
رصيده خمسة مليون رمضان ده كله بقى اللي هو شهر الجود الجود طلع فيه عشر تلاف جنيه. يبقى طلعكم من ايه؟ من النسبة نسبة كبيرة ولا صغيرة؟ فيه واحد رصيده كله عشر تلاف جنيه. طلع خمسمية جنيه في رمضان - 00:07:14  
نسبة كبيرة ولا قليلة؟ اعلى بالنسبة لاصحابنا. صح؟ يبقى الخمسمية جنيه دي سبقت ولا مش سبقت؟ سبقت ليه ان الله سبحانه وتعالى لغة اللي بتحاسب بها مش لغة رياضيات يا جماعة. لا يا جماعة لغة رب - 00:07:38  
السماءات يراد حساب رب السماءات والارض مختلف. سبحانه الله! الهاكم لكم نادر اللي يفلت منها. عشان كده جت في صيغة الايه؟  
الجمع. الهاكم التكاثر. التكاثر بايه؟ بكل شيء حفلة التكافل دي بقى هتنتهي امتي؟ - 00:07:58  
حتى زرتم المقاير. النبي صلى الله عليه وسلم بيقول لنا على حاجة جميلة قوي. بيقول لنا ايه؟ لو ان لابن ادم واد من ذهب واحد عنده وادي من ذهب. انت عارفين وادي ده يعني ايه مكان بين الجبلين ده بيسموه وادي. يعني جبل وقاعددين جنبه جبل. الحلة اللي بينهم دي - 00:08:24

اللي هو المسلس المعكوس ده ده وادي. ده عشان يتصب دهب ده حاجة كبيرة ولا حاجة قليلة؟ تعرفوا حد عنده ما يقرب من وادي من دهب؟ ممكن يكون قارون ممكن - 00:08:44

واد من ذهب. يقول النبي لو ان لابن ادم واد من ذهب. ايه طموحه؟ عن ان تخبع بقى واريج بقى وانفق في سبيل الله. لأ ده انت للوادي بتقول كده لكن لما بيجي الوادي يتمنى ان يكون له وادي تاني. انت واحدين بالكم ان طموحه بايه وديانه - 00:09:05  
ده ما بينزلش على المستوى ده. كان فيه حد من الشباب بيقول انا امنية حياتي. ربنا يرزقني خمسين الف جنيه احصنهم والله العزيم لهكون على الصراط المستقيم ومعاد هكون بقى مشغول بالدنيا والدريرة اللي انا فيها ديت ودوم اضافي - 00:09:25  
وفترة صباحية وفترة مسائية وفترة يمين وفترة شمال والله على قد الخمسين الف جنيه هو اللي بيحكي القصة مرت عليه تلات سنوات او اقل او ازيد قليلا المهم في المتوسط. واحد من الشباب بيقول له ايه؟ اخبارك ايه وعملت ايه وبناتع - 00:09:46  
كان لك طموح زمان انك بس تجيئ حاجة كده وايه وتفتح حاجة بسيطة كده. قال له شف والله دلوقتي انا معندي خمسة مليون هو كان عاوز ايه؟ خمسين الف راتب على الخمسة ايه؟ مليون. ده كده هيفتح جامع ويقعد فيه. قال ولا اشهد الصلاة في المساجد - 00:10:10

وايه طموحه؟ خمسة زيهem. والخمسين طب ما تخليهم خمسة مليون وخمسين الف لا ده زمان ايام ما انا كنت في كي جي تو كبرت يا عم وبقيت حاجة كبيرة دلوقتي. انت مش عارف انت غيرت رقمي. فلو ان لابن ادم واد من ذهب لتمني ان يكون له - 00:10:31 الساني ماشي يا عم. لك الثاني. هتعمل ايه بقى؟ تاخد واحد وتصدق بواحد اتمني ان يكون له السالس. يقول النبي ولا يسد فاه الا التراب. عاوز ده بقه ويتفتح ده حل الرتم. خلاص دي بقت حاجة عمال تبلغ تبلغ تبلغ تبلغ تبلغ. افتح كشك قد - 00:10:55 او حاجة كده كبدة على قده كده. يقول لك والله بس ربنا يرزقنا نوسعها بس. تبقى قد المصيلية. والله ما عاوز اي حاجة. يفتح وبعدين شوية محل صغير. فرع اخر الشارع عشان ولاد اختي عمايقة - 00:11:25

وينزل الفرع ورا الفرع ورا الفرع لغاية ما وصلت فروعه مطروح. ايه طموح؟ الخليج العربي اغطيه وخلاص وصل هناك هنسيب الكفار بدون فروع؟ بقى في حاجة هنا في اوروبا في حاجة هنا بتاع والكلام ده كله. ويدفن في فروعه - 00:11:43 في الدنيا وفي الآخرة لا يسكت هذا الطموح عشان كده او عى تكون فاكر ان الفرع الثاني هيستكتك. لأن ده الوادي الثاني انت بتفتح الواد الثاني مش الفرع مش اللي هيستكتك. هو انت معنى كده ان انا بقول انك ما اذا اعطيك الله - 00:12:05 وفتحت عليك ان تسدها؟ لا. انا اقبل كرم الله سبحانه وتعالى. ولكن انا لازم اكون حريص من المجال المغناطيسي بتاع الدنيا دي على مال تخطفه دي. كلنا شفنا ناس كتير. الحفلة دي بقى هتنتهي امتنى - 00:12:25

النبي صلى الله عليه وسلم كان بيستعذ من اشياء من عدم الفاعلية لاشياء منها يقول ايه؟ اعوذ بك من عين لا تدمع من قلب لا يخشع. ايه كمان بقى؟ من نفس لا تشع - 00:12:45

نفس ما بتتشبعش ليه؟ لأن قلبه لا يشع لا يشع. في قلبه واحد دايما عنده طموح عنده وعنه وعنه. ولذلك الاية اللي بتديك الرضا لا تمدن عينيك مش الذك الذك تبص على ليه شوف انت ده فتح وده عمل ده جاب عربية ده مش عارف ايه ده عمله ده بنته اتجوزت فين ده مش عارف مراته ايه ده هو ايه ده جاب لها ايه - 00:13:03

طول ما عينك قاعدة تبص على الناس لن تقبل عطاء الله لك. لأنك ستتشغل بنعمة غيرك لا بالنعمة التي اغرقتك في حد كان بيقول لي اكبر حاجة مخلاني مش عارفة اطيع ربنا - 00:13:30

ان انا طولي قصير ما بين العلاقة الدينية. ليه مش يديني طويل ويديني اللي انا محتاجه. وادي كل الناس وانا لأ يعني. في حين ممكن تلاقي انت جميل وتلاقي انت في صحة وتلاقي انت في عافية وتلاقي في مال وتلاقي انت في ستر وتلاقي انت في كزا. طيب - 00:13:56

طول جميل وتبتلي في عرضك؟ طب تاخد طول جميل وبيقى شكل قبيح؟ لأن واحد مش عاجبه حاله الا من رحم الله بسبب كسرة النزr حوله. قاعد بيصل للي حواليه. اللي ماشي على رجليه امنيته عجلة - 00:14:18

عم بيحيب عجلة امنيته توكتوك. يجيب التوك توك امنيته يطلع شوية. والله عادي يعني والله لو فيك ما فيك مشكلة. بس اي حاجة كده. والله لو جمل بعجب بس رجلي وجيتنى. تيجي له دي - 00:14:43

مش عاجبه بيصل على اللي بعده بيصل على اللي بعده يجي له لانسر محترم كده وخلاص بقى وقاعد ومشغل التكييف وتحت الاشارة يلاقي الطريق الثاني فيه سي معدية مرسيدس احنا فاكرينها هبة ضحكت عايش وجبت المنظر انا جبت لكم و بتاع بصل بصل - 00:15:03

نشوف على قاطع الطريق ده. بصل شف الحور العين اللي قدامك. يجيب له دي ما يعجبوش. وهكذا. ليه؟ خلاص لا يسد فاه الا ايه؟ الردم. التراب. الهاكم التكاثر حتى زرتم - 00:15:23

المقابر مش مقبرة القبر مقابل لكترة اللاهين. فيه ناس كتير رايحة اللفظ ده مربع. لفظ المقابر ده ده انه يجمع يجمع يجمع يجمع يجمع يجمع يجمع يجيء فيها الاله؟ اه فعل ماضي وفيه دين. تحقيق الواقع حصلت شوفوا اللفظ القرآني الجميل زيارة ليه؟ لأنك انت لم

تسكن في المقابر ده هي ديت ايه؟ ده جسر كده. ده بزخ بين ايه؟ بين حياتين. فانت هتروح وتمشي. زيارة سم ارتاحاب -

واللظ ده يفيد ايه كمان؟ ان هي مدة قصيرة. بالنسبة اللي جاي. وايه كمان وده معنى مهم قوي ان هذه انت لما بتروح تزور حد في البيت بتتحكم في البيت ده ولا ليس لك دخل في - 00:16:36

بيت من يضيفك تزير وماشي صح؟ اه. ان مالك هذا البيت الان انت ذاذهب اليه لا دخل لك الا بما سيفعله المالك. فانت رايج يحاسبك بقى عملت ايه في الارض اللي كان مأمنك فيها؟ زيارة صاحب القبر دخل وصاحب المال - 00:16:56

دخل قبل ما يكتب وصيته صاحب الذنب راح قبل ما يتوب حتى زرتم المقابر. الحسرة بقى مش في مجرد الزيارة. يا حسرة اتخيل كده ان هو داخل تربته. او يتبعه في القبر ويتبعه في - 00:17:26

جنازة مين؟ الاهل ماشيين. والعمل معه والمال. المال اسار المال ده والدكتور محمد ماشي والدكتور عبدالرحمن والدكتورة مي امال تعيط. فدي كلها فلوس كان صرف على اولاده باين ان في رجال اعمال موجودين وفي ناس من علية القوم موجودين والتجار زمايله موجودين اسار المال بتاعه بيبقى موجود. كل ده - 00:17:46

ماشي معه في الجنازة. في الآخر اللي بيبقى يمشي الاهل راجعين. حبابيك بقى اللي انت ضيغت حياتك كلهم. عشان القطاقيط دول راجعين. ومين اللي راجع معهم. ما لك شوفوا الحسرة بقى - 00:18:16

الامر يبقى الانسان طول يومه وطول عمره مشغول قاعد عمال يضيع. قصر في الصلاة ليه؟ عشان الفلوس. قصر وفي الطاعة ليه؟ عشان الفلوس. يفوجى ان الفلوس دي بتقول له ايه؟ خلاص كده احنا سايبينك وماشيين. طب والعمل ده انا ما كنتش مهم به - 00:18:36

ده اللي هيقعد بقى معك شوفوا مقدار الحسرة في الوقت ده. بيبقى شكل الانسان عامل ازاي والغنى والفقير كفهم واحد ولا اتنين؟ الكفن بكم من متين للتلميمية ده بتاع الفقير طب و بتاع الغني - 00:18:58

انت مصدورم تقول هو هو هو. اوعى تكون فاكر ان كفناك هيبقى مختلف. لاأ هو هو الكفن واحد. ذلك الليل مهما طال لابد من طلوع الفجر. والعمر مهما طال لابد من نزول القبر. ولذلك واحد قال للنبي اي المؤمنين اكيس؟ مين اكتر واحد فاهم - 00:19:26

وحسها صح وزكي والمعي. قال اكترهم ذكرا للموت. اكترهم للموت ذكرا اقف في يوم من الايام الصحابة قاعدين ففي واحد مات فقاعدين بقى يقولوا عليه ده ما شاء الله عليه وكان وكان وكان والنبي ساكت لا يعلق - 00:20:01

فانهم كانهم انتبهوا يعني فراحوا ناظرين للنبي يعني يا رسول الله احنا قاعدين نتنبى على الرجال و بتاع وقال لهم هل كان يكثر من ذكر الموت؟ قالوا لا. قال ليس بصاحبكم. يعني مش هو يعني الرجل اللي قاعدين انتم تحكوا عليه كثير ده - 00:20:21

لان المضاد الحيوي الشرعي لحفلة التكاثر هو ذكر الدار الآخرة وذكر الآخرة يا جماعة بيزبطة لك الدنيا مش بيعكرها. والله بيطبطةها. تلاقي نفسك كده بقى فيه اتزان بقى فيه هدوء. يعني انت مكبر - 00:20:39

حاجة صغيرة خالص. خلاص؟ كنت مش عارف ايه ورحت شفتها والرؤبة الشرعية وتعلقت بها بس في الآخر باباها ما رفض رفض. انتم شايفيني دي حاجة حاجة صغيرة واحد راح شاف واحدة عجبته جدا قال هي دي يا ماما ودي احلى حد في الدنيا. باباها رفض - 00:21:00

خلاص كل واحد يروح لحاله. الموضوع ده كبير ولا حاجة عادي؟ هو بقى شايف انتم قطع والحياة وهي ديت انا اول ما شفتها حسيت ان انا هخشن الجنة هي دي اللي هتعدني - 00:21:19

وهي ديت اللي هتخليني مش عارف ايه وهتصحيني الفجر وهي مش عارف ايه وهي وهي اول ما يذكر الموت فوق فيلاقي نفسه الموضوع ده ايه؟ يطفي تاني ويتحط فين؟ في الحي. واحد متخانق هو واخته و بتاع وازاي و تقول علي وراحته وقعت بيني وبين اختي مراته - 00:21:29

وبتاع والموضوع لما يكبر يكبر يكبر فحضر مجلس زى ده ولا واحد بيكلم والدار الآخرة ويوم القيمة ومش عارف ايه فيلاقي الموضوع ايه هدى اول ما يطلع يروح متصل باخته. فايه اللي حصل؟ ان ذكر الدار الآخرة عمل ايه؟ بيعدل الترس ده -

فالواحد عما يستحضر الحقيقة الوحيدة اللي عند الجميع بما فيهم الملحدين. ان في ان فيه موت. ستموت واموت. رغمما عنك. انك ميت وانه ميتون. ستموت على مراده لا مراده. اوعى تكون فاكر انك هتموت انت اللي هتنبط الموت. وامتنى مش ازاي لا - 00:22:09  
لكن متجموzi كان له كلمة جميلة يقول لك ايه كرب بيد سواك؟ لا تدرى متى يغشاك. يعني واحد ماسك كرباج خلاص وانت مدي له ضهره. هو بيد مين دلوقيتي ؟ بيد سواك. لا تدرى متى يغشاك. الكلب ده هو كرب الموت - 00:22:39

لا تدرى ومشكلة الدنيا بتسيبك في اكبر وقت انت بتكون محتاج لها. وساند قوي عليها. فنترك احوج ما تكون اليها. نسأل الله العفو والعلافية تسلب منك اكتر عندما تكون اكسر اطمئنانها لها. عشان كده ربنا حززنا. اوعى تفرنكم - 00:23:02  
الحياة الدنيا او عى تفتر بها. واينما ذهبت واينما يممت وجهك. اخرك ايه حفرة ثلاثة ذراع وشبر. في ذراع وشبر. شايف المصليه اللي انت بتصللي عليها دي المصليه دي هتعتبرهم انهم اتنين مصليتين. ولما تدخل ركعتان خفيفتان مما تحرقون خير لك من بقية - 00:23:32

دنيا لو دخلت القبر ركعتين بساط احب اليك. ولذلك لو النهاردة في واحد دخل تربته وسألناه ماذا وجدت في قبرك؟ ايه شفت الدنيا ايه؟ يقول لك كسراب تقيع يحسبه الضمان ماء. زي السراب كده. حتى اذا جاءه لم يجده شيئا. وايه؟ ووجب - 00:24:02  
ان الله عنده سيفاها حسابة. تعال يا باشا نتحاسب. عشان كده كان الشاعر يقول وقفت على القبور مسلمة واقف على القبور يسلم عليهم قبر الحبيب فلم يرد جوابي. رايح لقبر حبيبه ولا قبر ولاده - 00:24:29  
ولا زوجته فبيقول وقفت على القبور مسلما قبر الحبيب فلم يرد جوابي. احبيب ما له لا ترد جوابي. انت ليه ما بتردش علي؟ انسىت بعدى خنة الاحباب؟ خنة الاحباب راحت - 00:24:49

فين؟ قال الحبيب وكيف لي بجوابكم؟ هو بيتخيل ان هو بيرد عليه بقى اللي في التربة دي. بيتخيل ان وامضى لما بيجي حد يزورنا هنقول ايه؟ قال الحبيب وكيف لي بجوابكم وانا رهين - 00:25:09  
جناذ وتراب. ارد ازاي وانا تحت؟ اكل التراب محاسني. فنسىتكم وشي خلاص اتاكل قلبي اتاكل كل حاجة اتاكلت. اكل التراب محاسني فنسىتكم وحجبت عن اهلي وعن اترابي. الصحبة فعليكم مني السلام تقطعت مني ومنكم خلة الاحباب - 00:25:29  
خلة الاحباب خلاص تقطعت. كله راح. افطع منظر ستراه على وجه الارض هو القبر عشان كده كان عثمان يذكر الجنة والنار ما كانش يهتز قوي. ايه اللي بيجهز القبور؟ يقول لك دي اول منازل الاخرة - 00:25:58

او عى وانت بتزور القبر تبقي انت فاكر اللي بينك وبينه شوية التراب ده ياه لا ده هو في عالم تاني خالص خالص مش موضوع شوية التربة دي لا لا لا برزخ الى يوم يبعثون. امسك التراب ده اللي بين القبور. اترجع عليه - 00:26:20  
شف التراب ده عبارة عن ايه؟ وانت في المقابر دي كانت اجمل بنت ممكن تكون في الزقازيق ومكسرة الدنيا من خمسين ستين ميت سنة ده تراب ده تراب اقوى شاب كان عندنا في المنطقة. وكان الكل بيهاجر الكل يتمنى انه يبقى جسمه زي جسم الشاب ده. راح - 00:26:40

فين؟ تراب ادي الموضوع كله. حتى زرتم المقابر. لو حصل بس صوتي اللي بيحصل في القبور والله العزيم ما ما هتدفعوني ولا ادفنكم. لو سمعنا بس لولا ان تدافنوا لدعوت الله ان يسمعكم مما يحدث في القبور. يقول انا بس لو انا عارف انكم هتترعبوا لدرجة - 00:27:01

مش هتروحوا تشتموا حد. ابوه مات يلا عشان ندفنه لا لا ما ليش دعوه راح ادفنوه. اصل انا سمعته مرة وانا هناك حاجة ما اقدرش والبئر المائي لو تعلمون ما اعلم. لضحكتم قليلا ولبكيرتم كثيرا. القبر ده - 00:27:32

مكتوب عليه بممنوع الخروج انتهى. ما فيش رجعة. الكلام اللي انا بقوله ده يا جماعة ممكن الصبح حد منا يعيش وخلاص يدخل الجنة بقى ممنوع التوبة ممنوع الاستغفار ممنوع الصدقة والتناوي اصل انا كنت انا عندي اربعة وخمسين وقلت وانا عندي ستين - 00:27:52

كتير كده هبدأ اتصدق الباب اتقفل. خلاص ممنوع الصواب ممنوع اعمال صالحة انتهت. كله يقف على حسب كنت شغال ازاي لجنة  
الامتحان حتى زرتم المقابر. تخيل بقى لو واحد عاصي - 00:28:12

وما تفوتنا دلو قتي في تربته. بقى له خمس ست سنين. وتخيل كده ان الله احياء. ياه وبيشوف بياه علشان تلت سنين في الجامعة  
تلات سنين عشان اقلفت الانزار. عملت اللي انا عملته ده - 00:28:32

عباية يبكي ويشفوف حياته علشان آآفلان يبقي راضي علي واشوف له منزري وهي تشفوني وانا بلعب مش عارف الكورة وانا مش  
عارف كزا وكنت انا اغابر بحياتي والعب باكوره وانزل على رقبتي عشان تتكسر بس عشان هي بتتفرج علي من ايه من بتاعها ولا  
بتاع كل ده كنت بتعمله - 00:28:53

وعشان دول تخيل هيقول لنا ايه بقى لو دخل تربته؟ وهنسمع منه نقول ايه فاسأل الله ان يرزقني واياكم حسن الختام نسأل الله ان  
يمن علي وعليكم بحسن عمل وحسن اتباع وحسن الخلق وحسن الختام. اقول قولي هذا واستغفر الله لي ولكم - 00:29:13